

STJÓRNARTÍÐINDI B 69 – 2004

Nr. 465

1198

2. júní 2004

REGLUGERÐ

um breytingu á reglugerð um uppruna
og ræktun íslenska hestsins nr. 948/2002.

1. gr.

1. gr. reglugerðarinnar orðist svo:

Reglugerð þessi tekur til uppruna og ræktunar íslenska hestsins. Reglugerðinni er ætlað að tryggja viðurkenningu á Íslandi sem upprunalandi íslenska hestsins, tryggja áframhaldandi hreinræktun hans með notkun á viðurkenndum ættbókum í samræmi við opinberan ræktunarstaðal, sbr. I. viðauka og að tryggja áreiðanleika þeirra upplýsinga sem skráðar eru í upprunaættbók íslenska hestsins WorldFeng.

Reglugerðinni er einnig ætlað að styðja alþjóðlegt samstarf um ræktun íslenska hestsins.

2. gr.

Eftirfarandi breyting verður á 2. gr.:

- a. 3. tl. 2. gr. fellur brott.
- b. 5. tl. 2. gr. orðist svo: WorldFengur er upprunaættbók íslenska hestsins sem inniheldur upplýsingar og skrá um hreinræktuð íslensk hross.
- c. Orðin „Feng eða“ í 1. ml. 7. tl. falla brott.

3. gr.

Eftirfarandi breyting verður á 4. gr.:

- a. 1. ml. 1. mgr. 4. gr. orðist svo: Bændasamtök Íslands halda upprunaættbók íslenska hestsins (WorldFeng) og bera ábyrgð á að færa í hana upplýsingar um hreinræktuð íslensk hross sem uppfylla skilyrði þessarar reglugerðar.
- b. 3. mgr. 4. gr. orðist svo: Hross sem skrá á í WorldFeng skulu geta rakið alla ætt sína til hreinræktaðra íslenskra hesta. Bændasamtök Íslands skulu setja nánari reglur um framkvæmd skráningar í WorldFeng, þar sem m.a. skal kveðið á um hverjum skuli veittur skráningaraðgangur að WorldFeng og hvaða skilyrði skráningaraðili þarf að uppfylla.

4. gr.

Í stað orðanna „viðauka II“ í 7. gr. kemur: viðauka I.

5. gr.

Reglugerð þessi er sett samkvæmt heimild í 19. gr. búnaðarlaga nr. 70/1998 og með vísan til III. kafla búnaðarlaga og öðlast þegar gildi. Reglugerðin er sett með hliðsjón af tilskipun ráðsins 90/427/EBE og ákvörðunum framkvæmdastjórnarinnar nr. 92/353/EBE, 92/354/EBE, 96/78/EB og 96/79/EB og öðlast þegar gildi.

Landbúnaðarráðuneytinu, 2. júní 2004.

F. h. r.

Ólafur Friðriksson.

Atli Már Ingólfsson.